



925001-

- 925102

Mag. St. Dr.

III

C O P I A
I N S T R V M E N T I
T V R C I C I
C V M
M O S C O V I T A .

Hic est DEUS, maximè aperiens omnia, Potentissimus, Firmissimus.

In Nomine DEI misericordis, semper miserentis.



Ausa exarationis hujus veritate præcellentis Scripti, & necessitas descriptionis hujus realitate insigniti instrumenti hæc est: Incorruptibilis Domini Creatoris, & immortalis Opificis liberrimi arbitrij, Domini DEI, cujus Gloria extollatur extra omnem similitudinem, & paritatem, æternarum confirmationum ubertatis concessione, & gratiâ honoratissimæ Meccæ, & lucidissimæ Medinæ Servi, & Sanctæ Hierusalem, & aliorum Locorum benedictorum Defensoris, & Rectoris, binarum Terrarum Sultani, & Regis binorum Marium, Dominatoris potentis Ægypti, & Abyssinarum Provinciarum, ac Felicis Arabiæ, & Adenenfis Terræ, & Cæsareæ Africanæ, & Tripolis, & Tuneti, & Insulæ Cypri, & Rhodi, & Cretæ, & aliarum Albi Maris Insularum, atq; Imperatoris Babylonis, & Bositræ, & Laxæ, & Revani, & Carfiæ, & Erzirum, & Schresul, & Mussul, & Diarbekir, & Ricæ, & Damasci, & Aleppi, & Sultani Persicæ & Arabicæ Irachienfis Regionis, & Regis Ghiurdistaniæ, & Turchistanæ, & Giurziistanæ, & Daghistaniæ, & Trapezuntis, & Imperatoris Provinciarum Rum, & Zul-chadriæ, & Maras, Imperatoris Regionum Tartariæ, Circassiæ, & Abasiorum, atq; Crimeæ, ac Desti-Capzac, Imperatoris Orientis, & Occidentis, & Anatoliæ, & Rumeliæ, Possessoris Sedis Regiæ Constantinopolis, & protectæ Prussæ, ac defensæ Adrianopolis, & præterea Imperatoris latissimarum tot Provinciarum, totq; Climates & Urbium, ac celeberrimi Dominatoris, Sultani Sultanorum, Regis Regum, Serenissimi, Potentissimi, Augustissimi Domini nostri Imperatoris, Refugij Musulmannici, Sultani Filij Sultanorum, Sultani Mustafa Regis, Filij Sultani Mehmet Regis, cujus Imperium DEVS perenne faciat, ac Principatum stabiliat usq; in diem judicij, Majestatis, Excelsum Imperium inter, & Gloriosissimum inter eximios Principes Christianos, & Prælectissimum inter magnos Dominatores Christianos, Directorem magnorum negotio-

925056

III

gotiorum Christianarum Rerumpublicarum, Chlamyde Amplitudi-
nis & Majestatis exornatissimum, Argumentis magnitudinis & glo-
riæ condecoratissimum Czarum Moscoviticarum Regionum, & om-
nium Ruthenicarum Provinciarum Dominatorem, & Possessorem
subjectarum illis Terrarum, & Urbium, sublimem Czarum Mosco-
viæ Petrum Alexovicium (cujus fines DEVS salute & rectitudine
coronet) cum intercedens aliquibus annis dissidium fuerit in causa
calamitatis Subditorum, & Subjectorum utriusq; partis, eâ intentio-
ne, ut iterum in amicitiam, & benevolentiam commutetur, ad bo-
nam constitutionem rerum Civitatum, & ad reducendum in me-
liorem conditionem Statum Servorum DEI, in Sirmio in Confinijs
Carlovicij facto Congressu, cum Illustrissimo, & Excellentissimo
inter Christianos Magnates, Domino Procopio Begdanouiz Vosni-
zin, altè memorati Czari Plenipotentiaro Commissario, & extra-
ordinario Legato, & intimo Consiliario, & Locumtenente Bolchiæ,
ab eodem Czaro ad Tractatus, & Conclusionem Pacis negotij perfe-
ctâ autoritate destinato, & deputato: atq; explentibus Mediationi-
bus manûs bonis officijs, ac diligenti operâ, deputatis à Glorio-
sissimis inter eximios Christianos Principes, & Refugijs Magnorum
Dominatorum ejusdem Gentis, Angliæ, Scotiæ, & Hiberniæ Rege,
Wilhelmo Tertio, & Generalibus Statibus Nederlandensibus (quo-
rum fines DEVS salute & rectitudine coronet) ad exequendam Me-
diationis suæ functionem ad Tractatus Pacis, Illustrissimis & Ex-
cellentissimis inter magnates Christianos, Wilhelmo Lord Pagett,
Barone de Beaudefert, &c. & Domino Jacobo Colyer, etiamsi ab
utraq; parte adhibita sit ad Pacem, & Conciliationem propensio,
& inclinatio, cum tamen non esset facile, brevi tempore, ut ablatis
difficultatibus omnes res, convenientes Amicitiae, & Vicinitati,
perfectè, & debite ad bonum ordinem redigerentur, ne interrompe-
retur continuatio istorum aliorum Tractatum, sed ut pertracten-
tur, & ad finem perducantur, hâc utrinq; intentione per mutuum
consensum à Die vigesimo quinto Decembris, Anni millesimi, cen-
tesimi, decimi, nempe Natalitio Domini JESV Christi, usq; ad in-
tegrum duos annos terminus constitutus est, intra quem scilicet al-
mus iste Tractatus ad bonum ordinem reducatur, & inter Excelsum
Imperium, & Moscoviticum Czareatum, favente DEO Altissimo,
Pax, sive per inducias, sive perpetua coalescat, & vetus amicitia re-
novetur. Itaq; intra statutum unanimi consensu terminum cesset
omne prælium, & bellum, & pugna, atq; conflictus, & utrinq; a-
moveantur, & tollantur hostilitates, Moscorum Czaro subjectis à
Moscovitis & Cosaccis, & alijs in subjecta Excelsi Imperio Musul-
mannica Confinia, sive alia, sive Crimensia & Loca, & Subditos,
nulla fiat excursio, & hostilitas nullumq; damnum inferatur, neq;
clam, neq; palam. Pariterq; à parte Excelsi Imperij nullius con-
ditionis Exercitus, præsertim Crimensis Chanus, & omnia genera
Tarta-

Tartarorum & Hordæ, nullam penitus excursionem faciant, nullumq; damnum inferant, neq; clam, neq; palam, in Civitates, & Oppida, & Subditos & Subjectos Nostro Czaro. Atq; si qui sive clam, sive palam, motum aliquem, sive dispositionem, & hostilitatem, & incursionem fecerint contra hoc Pactum, & hanc conditionem, quæ inter nos confecta est, & sese contumaces, & minus obediens reddiderint, ex quacunq; parte sint, deprehendantur, incarcerentur, & sine remissione puniantur. Proinde præfata ratione colendi, & observandi hujus Armistitij tempore, conflictatio & hostilitas penitus amoveantur atq; tollantur, & ab utraq; parte perfecta propensio, & plena inclinatio adhibeatur ad conclusionem Pacis; & Crimensis Chanus propter suam obedientiam, & subjectionem ad Excelsum Imperium, adjungatur huic Paci. Utq; ab utraq; parte acceptatum, & observatum sit, & altè memorati Czari Plenipotentarius Legatus & Commissarius vigore suæ Facultatis, & Auctoritatis Moscovitico Sermone descriptum, legitimum, & validum Instrumentum tradiderit: Nos quoq; Facultatis & Vicariæ nostræ Deputationis vigore, nostris Manibus subscriptum, & nostris Sigillis firmatum hoc Scriptum, tanquam validum & legitimum Instrumentum tradidimus. DEUS favens est æquitati.

C O P I A

I N S T R U M E N T I

M O S C O V I T Æ

C V M

T U R C I S.

IN Nomine Domini DEI Omnipotentis in Trinitate Sancta unius; Ejusdem Gratiæ Serenissimum, & Potentissimum Magnum Dominum Czarum, & Magnum Ducem Petrum Alexovicium, totius magnæ, & parvæ, & albæ Russiæ Autocratorem, Moscoviæ, Kioviæ, Wolodimiræ, Novogardiæ, Czarum Caraniæ, Czarum Astrachani, Czarum Siberiæ, Dominum Plescoviæ, & Magnum Ducem Smolensci, Treræ, Ingoriæ, Permiæ, Viatkæ, Bolgariæ, & aliorum Dominum, & Magnum Ducem Novogardiæ, inferioris Terræ, Ciernihoviæ, Refaniæ, Rostoviæ, Jaroslaviæ, Belovroriæ, Valoriæ, Obdoriæ, Condiniæ, & totius Plagæ Septentrionalis Imperatorem, & Dominum Iveriensis Terræ, Cartalinensium & Gruzinensium Czarum, & Kabardiensis Terræ, Csercassorum, & Montanorum Ducem, ac aliorum multorum Dominiorum, & Terrarum Orientalium, Occidentalium, Septentrionaliumq; Paternum Avitumq; Hæredem, Successorem, & Dominum, ac Dominatorem, suam inter Majestatem, atq; inter Serenissimum, & Potentissimum Magnum Dominum Sultanum Mustafam, Chanum, Filium Sultani Mehmet Chani, Dominum Constantinopoleos, Albi Maris, Nigri Maris, Anatoliæ, Vrumiæ, Romaniæ, honoratissimæ Meccæ, & Medinæ Sanctæ Hierusalem, Ægypti, & Abyssinarum, Babylonis, & Ricæ, & Damasci Dominatorem, Tartaricarum & Crimensium Hordarum, nec non aliorum multorum Dominiorum, Regnorum, & Urbium, Insularum, & Provinciarum Imperatorem, ab aliquot annis intercedens dissidium causâ fuit calamitatis Subditorum, & Subjectorum utriq; parti, ex intentione, ut rursus in Amicitiam, & Benevolentiam, ad bonam rerum Civilium constitutionem, reducendumq; in meliorem conditionem statum transmutetur, in Sirmio ad Confina Carlovizij

vizij facti Congressu cum Illustrissimis & Excellentissimis, Selectissimo Domino Magno Cancellario Reis Mehmet Essendi, & cum Selectissimo Domino ab Intimis Secretis Alexandro ex Prosapia Scarlati Mauro Cordato, altè memoratæ Sux Sultanicæ Majestatis Plenipotentiaris Commissariis, & Extraordinariis Legatis ad Tractatum, & Constitutionem Negotij Pacis perfectâ Authoritate destinatis ac deputatis, Mediationem inter Serenissimi & Potentissimi Sux Regiæ Majestatis Magnæ Britanniæ, & Præpotentum Generalium Statuum Nederlandensium Holandorum, Illustrissimorum, & Excellentissimorum Plenipotentiariorum Eorundem Extraordinariorum Legatorum, Domini Wilhelmi Lord Pagett Baronis de Beaudefert, &c. & Domini Jacobi Colyer, &c. ab utraq; autem parte ad Pacem, & Inducias propensio, & inclinatio adhibita fuit; attramen non facile fuit, intra breve tempus, sublatis difficultatibus res universas, convenientes amicitia, & vicinitati, perfectè, & debitè in bonum ordinem redigere, sed ne interromperetur continuatio horum almorum Tractatum, quinimo deinceps perficiatur, & ad finem deducatur, hac intentione utrinq; per mutuum consensum, id est, à Die 25 Decembris Anno 1698 à Nativitate Domini DEI JESU Christi, in futuros duos integros annos, inter altè fatos ambos Magnos Dominos fiant Induciæ, in quibus almus hicc Tractatus in bonum ordinem reducat, atq; inter Suam Czaream Majestatem Moscoviticam, & Sultanicam Majestatem Turcicam, DEO Altissimo secundante, Pax perpetua, aut in sufficientes annos Induciæ concludantur, & vetus Amicitia restauretur. Proinde in hoc constituto determinato unanimi consensu desinat omne prælium, bellum, pugna, & conflictus, & utrobiq; amoveantur, & tollantur hostilitates, & à Subditis Sux Czareæ Majestatis, Moscovitis, & Cosaccis, ac alijs, Confinijs Musulmannicis, & Crimenibus, atq; reliquis Sux Sultanicæ Majestati subiectis Terris, & Subditis, nulla incurfio & hostilitas fiat, neq; clam, neq; palam ullum damnum inferatur. Pariter ex parte Sux Majestatis Sultanicæ adversus partem Sux Czareæ Majestatis nullius ordinis Exercitus, potissimum verò Crimenis Chanus, & omne genus Tartarorum, & Hordarum penitus ullas incurfiones faciant, nec ullum damnum palam aut clam in Civitatibus, & Oppidis, & subditis Territorijs Sux Czareæ Majestati perpetrent. Et si qui clam vel apertè motum aliquem, & dispositionem, hostilitatem, ac incurfionem contra hanc constitutionem, & conditionem, quæ nos inter confecta est, fecerint, & exquacunq; demùm parte tales contumaces reperiantur, apprehendantur, incarcerentur, & sine remissione indefensè puniantur. Hæc itaq; præfatâ ratione, tempore colendi, & observandi hujus Armistitij, conflictatio, & hostilitas absolutè amoveatur, & tollatur, ac ab utraq; parte ad concludendam Pacem perfectâ propensio, & plena inclinatio adhibeatur, & Crimenis Chanus ex munere suæ erga Imperialem Suam Majestatem Turcicam obedientiæ, & subjectionis, huic Paci adjungatur; Quæ omnia ut ab utraq; parte acceptentur, & observentur, quoniam altè memoratæ Sux Sultanicæ Majestatis Plenipotentiarij Legati, & Commissarij, vigore suæ facultatis, & Authoritatis Turcico Sermone scriptum legitimum, & firmum Instrumentum, ex eoq; Latino Sermone proprijs manibus, & Sigillis firmatam Copiam dederunt, pariter & ego facultatis, & Plenipotentia mihi datæ vigore, manu propriâ subscriptum, & Sigillo firmatum hoc Scriptum Ruthenico & Latino Sermone copiatum, tanquam firmum, & legitimum Instrumentum tradidi. Scriptum in Carlowiz Anno 1698. Mense Decembri Die 25.

F I N I S.

